

香樹齋續集

PL
2705
I378A17
1750
v.9



香齋詩續集卷九

嘉興錢謙益集

遊華山

支側通西折弄翠插垣巖華山本天池削拔開
種奇石如蓮花踞巔且俯視巖然秀且深屏障自
繚且澗以桃花名泉從虎跑過小平可策馬遂解
遊山乘絕頂巖拾級石室一開凭雲水各呈壯愛
此心不替昔遊記
祖澤於焉寄題與至今
其外願與
其外願與

香樹齋詩續集卷九

嘉興錢陳羣集齋

遊華山

支硎迤西折蒼翠插湖映華山本天池峭拔闢幽
徑嶺石如蓮花趺具佛性鬱然秀且深屏障自
綿亘澗以桃花名泉從虎跑迸小平可策馬遂屏
遊山乘絕頂旋拾級石室一間凭雲水各呈異愛
此心不競昔遊紀

祖澤於焉寄遐興至今

霽日暉照曜諸峯磴上方鐘磬清雲際芙蓉淨父

老歡然迎再覩

文孫聖容與澹足歸穆然自生敬

復聞京師得雨誌喜

二月十四日

南疆得雨易時雨時夜聞不謂畿輔地甘霽澤亦
均二月上中浣

鳳舸正南巡郵傳自北來報雨及芳辰二麥旣霑
足慰此畿內民因之念齊鄭仰荷

蒼昊仁所冀各守土奏達來頻頻十千歌大田自
我取其陳

拈花寺

穹窿雙嶺趨下有空王宇赤鬚旣拔宅赤松在何
許至今講法堂毒龍護鉢雨清泉磴上流
蹕路花間取行漏荅鐘聲怡情會竹所空際茶煙
浮簾外香篆吐連延崗峩峩礫硤石魯魯春雲澹
淹移罅處時一補如如與皇皇妙要括

天語光福十里遙玉策輕風舉

鄧尉山恭瞻

皇祖題額松風水月四字各得八句以題爲韻稱
鄧尉者以梅而

膚藻全不涉焉然言不涉而意已賅此所謂得梅

之神韻者乎觸目會心摘辭衍義亦情之不能已也

松

三友寒方定孤清第一松翠濤生謾謾香霧隱重
重倚石誰踈密循檐就澹濃遙知

題額意早會

至人胸

風

正是韶華候初傳長養風旣吹香雪白還上暈潮
紅乍拂何曾落輕梳想更融飄飄

仙仗外疑欲訪崆峒

水

來探鄧尉海還賞具區水映玉一壺冰凌波萬仙
子低橫淺瀨邊高入中流裏空色欲無言

清吟傳妙旨

月

瘦影動黃昏光搖出海月衆芳同一照國色自超
越仰對明如鏡賞茲寒徹骨遙情感卽事大雅未
銷歇

鄧尉香雪海歌疊舊作韻

香耶雪耶皆故吾爲憶未立三字初若非香雪盡
如海商耶題署失則誣風搖萬樹雪半落寒入瘦
骨香仍舒孤高自與幽人侶澹蕩要見達士模錦
峯之南光福里環村絡磴相縈紆蜿蜒屈曲便登
陟天然自闢

清蹕途山根野墅有靜寄亦如衆流望海同奔趨
東西兩灣稱海窟石帆朝元皆其餘重來香雪襲
襟袖晚梅競秀標清娛屏開漁洋沼太湖郡志鄧尉山以
漁洋爲屏青巒碧巘景各殊或藏而韞或散而輸
太湖爲沼造化陶鑄誰當需一攬者領習者失要以離卽分

親踈南指西湖三百里比肩未覺孤山孤湖山靈
奧各區別閑評莫誇杭與吳閑評莫誇杭與吳此
外豈無如是夫

遊天平山十六韻

突兀天平時羣峯拱揖朝臥龍盤遠勢卓筆插青

霄

臥龍卓筆皆峯名

巖際松如蓋雲中鶴可招全湖收石

鏡絕頂矚春潮灑面飛泉冷含芳野卉饒曉煙縈
小塢孤磬發疎寮浥露楊枝潤輕颺竹影搖陰崖
排萬笏斷澗架雙橋幽景邀

宸顧澄懷憶道標平生徵定論

朱子論本朝人物以文正爲第一

風雨避清寥高義曾邀賞

山有范氏園辛未御題高義二字賜之

遺

徽尙未遙移情畱水曲緩策度山椒
邐迤坡陀接丰茸林木喬偶然寄遐賞
還用訪塗謠北望支硎並西瞻竺嶺
要蜿蜒多秀色曼絕勝金焦

再游寒山別墅

支硎多別峯其右爲寒山山人趙宦光肥遯耕雲
煙攬勝曾一至幽偏證從前紆迴駐春蹕
愜性聊遊盤別墅枕山半爰

命再至焉得石自依磴構閣全因巒飛瀑所噴激
往往多迴湍窺牕來好鳥繞砌鳴新泉山花旣爛

熨荏苒碧與丹遐情一幽寄徙倚何冲然人世有
此境豈必皆神仙清磬出空谷散落蒼崖間

法螺寺

松濤吼廻岡

翠罕紆仄徑稍平得寺門金碧自掩映偶訪化人
居一寫閑雲性淥泉俯漣漪危峯仰遶曼池光靜
不波可挹還可鏡吳山勝地多選勝茲爲勝倘紀
韜光遊於焉孰季孟

初遊石湖作

湖上風光趁嫩晴春遊

畢早有餘清試聽水調漁歌裏都是康衢擊壤情
煙外峯巒時隱見波中鷗鷺自將迎空明擊處飛
蘭楫千頃真如鏡面平

觀打魚歌

地方大吏備觀打魚因事已成略觀輒罷

作是歌

山樵水漁各安業大吏陳魚漁不怯今日遊遊湖
色好遐收近取靡勿悅魚船網戶來周遭千魚萬
魚波中跳浪花踏踏窮遠目三里五里十里遙昔
聞獵較曾一卽不綱不宿存愛惜于南宜魚北宜

鹿嘉魚歌南騶虞北仁民愛物盡如斯敬爾在位
其知之不陳而還魚樂矣魚之樂矣
皇之僖

虎邱山寺再和東坡韻

春旂指雲巖香輿躋晴嶺迤邐探吳風綿延俯煙
井石路走欹斜原出浮清耿新雨落深池生意矜
蛙黽魚腸躍金精苔紋篆古礦惟餘明月夜一掣
踞虎猛清遠可笑人孤詣獨陵騁至今讀其詩泉
聲助鳴哽東坡坐東軒悔不置二頃攬石但歎嗟
客懷寄淒冷

宸遊一再過風恬晝初永所欣周道諏豈祇娛清
景松逕復徘徊斜暉移塔影砌石紀重來寧俟大
吏請

山塘策馬

晴郊遊徧薄言歸緩策山塘一指揮麋眼新籬紅
半掩島頭春水綠添肥殷勤士女

親提命活潑詩篇繪化機舞榭歌臺前日事紅橋

跋馬記依稀

上不事粉飾劇爲嘉予

降旨迴鑾時取道徐州視河工詩以紀事

我

皇勵宵旰事事皆勤民民居與民食所貴計久安
治河需善策庑定簡重臣萬全宜博採剴切期披
陳要處必

躬履及時當周巡彭城受衝地漲溢嚙其濱下流
工既固水陸途可臻河湖亦循軌受澤敷土勻是
經相度後萬姓感

皇仁

辛未

南巡指授治河方
略淮壩民庶得享安瀾之福

宿虹易積澇汎

濫時苦屯曹郡濱河地行水有未均治河在審勢
營衛如一身漫衍不受制周防慎堤垣奈何淤故
道衝奪近報頻徐境當四會利導力頗艱要貽永

安慶詎惜

指授親芻蕘尙可詢先民亦有言輦路略修治德
行速於傳

申命各專責其惠我元元

聞河南得雨

穹蒼布澤沛甘霖豫驛馳來接好音春麥後先多
得潤

天心深契

聖人心

曉發蘇州

巡春五日駐吳城晨發今爲浙右行望

幸方欣應迅至

時浙人望幸已數日矣

攀畱還說莫兼程祇

緣相度心逾切

前一日降時取道徐州親視河工

旨回鑾那計山塘

花正明爲諱環遮諸父老算當十日便回旌

入浙江境

聞道

嶺舟過葑門平江天氣正晴溫落帆亭外謳迎路

扶杖人來遠近村水帶雪茗春漲合民安朴魯儉

風存六時行漏將程報百五真堪作快論

是日從蘇起程

計行百五十里

題煙雨樓

曉攬瀋湖駐

鳳舟釣鰲磯外得清遊重覘景物憑高閣爲訪民
風過秀州雨露

新恩均灑遍雲煙

寶墨重題畱移時錦帆

去聲

看西指判得湖光付野

鷗

至杭州行宮駐蹕八韻

遄移禦水楫旋駐武林舟但覺咨詢切寧云道里
修山光真可挹民莫必誠求要裕盈寧計特深

宵旰愁前期如印證重莅若神謀

前次丁暮春之初至杭州今歲

計程亦應於是日抵杭上因同鑾時欲親至徐州視河遂兼程二日其實前後恰符合也

爲

慰羣瞻忤先教靜

蹕騶敬抒一寸縷願獻

萬年籌上已風光近興情誦豫遊

題黃龍洞

陟峯訪幽栖俯磴憇潭洞珠琲霏靈根煙雪吐石
孔方池似鏡空朗月若輪湧滌襟鑒湛澄豁目眇
容從花氣催溫磨樹色連翳翳詩拈

鳳藻披風裊雞翹動初躋遂更平稍轉廓復攏巖

老樵齋集 卷六
脚泉脈交分注溢青瀕名僧邈千秋一畝溯靈種
翻笑山居人日月徒倥偬

詣聖因寺

皇祖神御殿行禮

六載初巡日曾爲十日留

前徽重展敬

祖澤永貽謀幸際承平候仍爲休助遊紹庭方

陟降奕禩俯春流

瑞石洞

吳山捍江江控海中有奇石獅象駭坎位列鎮高

嵯峨山腰孕結茲爲最叶補天曾傳皇古初逃出
烹煉真人都吾

皇探奇復濟勝丁仙髣髴迎

乘輿紺乳襲衣袂雲英上門限白鶴翩躚時往還
夜光神芝會應產

飛來石

石飛來兮不復去萬斛巨鐘懸在此彼爲有腳此
無根誰轉一語發妙理

恭和

皇祖靈隱寺詩韻

招提瞻

祖澤驚嶺賞差我佛照

慈光大

詩畱勝跡多松門深古洞石壁上新蘿彷彿田盤

意曾承

恩命過

十七年扈從盤山行宮蒙恩召見諭及盤山勝處有類靈鷲諸峯者是日詔許

往遊

淨慈寺瞻禮

我

皇瞻禮

慈雲處霽色嵐光四面開鸞擁

天書澄法界鹿銜芝草上香臺維摩偈裏栖真穩
多唄聲中選佛來衆願欲伸頂禮意南山獻
壽樂康哉

上天竺

上竺層霄上瓊瓏玉琢成本來無一語不是爲忘
情桂樹雲中見藥苗雨後生重遊香界寺風轉六
旂輕

湖心亭

曉放輕舟趁嫩晴居然景物近仙瀛

亭上一望水色湛澄如在

瀛州太六條橋影如圍帶四面嵐光可坐迎卽事
液池也

偶通春水意題詩一寫

聖人情臨流擘理歸澄澈閑凭闌干悟至精

表忠觀

兩拜

天章錫如綸爲作忠閑來評十國孰可許英雄秉

笏猶尊北

觀在行宮之南祖孫秉笏若望闕者然

迎潮永障東欽哉

承

聖訓勉令守家風

題漪園

名亭多依山深閣多流水
激錦石略可西園
擬雜樹相糾盤幽致任討取

叶一自

天筆題遂數河邊美

臣

慚老侍從雙屐未到此

韜光菴

重遊

法駕此相羊始信幽棲無盡藏
俗士攔廻有靈隱

遊韜光者必取徑于靈
隱靈隱實爲韜光門限

至人引勝上韜光禽聲簡訥如安拙
花氣氤氲自毓芳放睇危峯窮遠目
三山海外影蒼蒼

北高峯

北鎖諸岡第一峯問塗舊識幾株松閑從香徑尋
香國笑指阿彌見阿儂雲裏傳聲時杳靄雨餘出
沐日丰茸若教束炬通天目縱使孤僧亦恐慵

雲栖寺

四面芙蓉自削青心無可洗強名亭晴飛鉢雨空
中散陸擁潮音靜裏聽曲屈松根惟鶴跡淨便香
路有雲停儒通佛理聲聞寂六字真詮蘊性靈

水樂洞

洞裏宮懸作誰教典太常游魚聽出穴翔鳥去當
塲

聖契惟關角臣心自叶商審音流水外玅悟得陰陽

理安寺

密可干松合疎宜萬竹攢翠微最深處禪悅自生
歡經邃步初仄中虛勢復寬誰能叅玅理真諦問
雲安

棊臺

偶步棊臺上春山挂夕陽米顛不可作此意許誰
償

題西湖十景疊舊作韻

蘇堤春曉

春韶三月正昭蘇
罨畫林塘帶竹廬
花柳猶傳通守政
至今名姓占西湖

柳浪聞鶯

何人敢挾一丸金
穩坐啼春陰正深
兩度

蘭舟艤楫處
侍臣鵠立竢芳林

宋臣錢鏐表忠觀在左近兩次駕

臨臣率族人恭蒞

花港觀魚

望山橋下圍清港
戢戢魚跳唼晚花
會得濠梁真面目
強分物我笑南華

曲院風荷

四望軒窗納晚風水花宜白復宜紅
頻年太液池頭立色相叅來本是同

雙峯插雲

兩兩蒼龍碧落垂入雲鱗甲正紛披
試登絕頂搯筇望會見山腰膚寸時

雷峯西照

天門愛看東升候此地偏傳西照名
暮色半隨鴉背去空餘堦影倚雲橫

三潭印月

水作千波月一輪百東坡豈是前身月明潭碧都
無着畱證人間清淨因

平湖秋月

鏡面春波綠似油輕擗星艇槳牙柔不須坐待銀
河迥一樣蟾光俯碧流

南屏晚鐘

隱約匡廬九曲屏暮煙深處起鐘聲蒲牢不似蝦
蟆沸長伴山城長短更

斷橋殘雪

斷虹遠亘雪飛餘界畫樓臺畫不如彷彿朝川初

霽後幅巾爲葢笋爲輿

唐王摩詰有輞川雪霽圖

題林逋詩帖真蹟用卷中蘇軾書和靖林處士

詩後韻

結廬自占孤山曲况有湖光潑新淥空山無人鶴

未歸獨坐莓苔伴寒玉橫釘愛作瘦硬書姿媚猶

覺羲之俗墨蹟至今寶笈珍兩絕真同夜光燭我

皇好古復鑒古一再披吟猶未足卷尾灑落東坡

題側鋒仙骨能撐肉

骨撐肉前人跋蘇書語

象犀珠貝走不

脛空谷誰曾一省錄平生屈伏有幾人遺音自勝

人間曲

歸來寫遺音猶勝人間曲東坡句也

發揚潛德沛

新恩桂酒椒漿薦松竹浣花溪上杜陵老淚落秋
山對叢菊

吟香別業

開府當年此小畱閒情雅慕白杭州董材肯搆寧
云創因地成園不待求於見道時皆吏治到怡情
處卽民憂拔幽舉廢類如是政事何難出輩儔

清漣寺觀魚疊舊作韻

蘭若開香境漣漪致有餘
恩波常似水民樂卽知魚生意澹成趣春風輕襲
裾怡情觀自得

乘興見真如偶拾金光草閒翻綠字書重來應有約

幾暇賦歸歟

飛來峯歌

從來怪石落世界不下喧卑下幽竊靈山之陰北
澗陽巖壑互鑱若迴抱一峯飛來不記年胡僧相
識便相笑叶洞壁佛像如削成飾以重英垂曲瑤
蹲獅駭象誰能馴異木丹葩種難考中空時見紺
乳滴深入不知天地曉白猿偶坐酌春泉野衲時
來譯法寶倚磴高松根拔地雷烘霜虐經亦飽

雲罕重訪一徘徊飄然若悟崆峒道對之作歌嗣

前音詞源直令三峽倒

十六年南巡御製有飛來峯歌

自蘇提跋馬至聖因寺行宮

春堤攬勝意仍餘

幾務紛披便舍諸馬上題詩紀游陟行滕魚子自
行書

行漏初傳卓午時馬蹄過處繞芳蕤柔柔秀麥添
深綠盡是間閭衣食資

鹿頭艇子傍湖橫橋上鞭絲自在行一鏡新楷光
十里

綵旂裊裊鏡中明

罷漁

吾

皇釣弋情往往觀卽罷廿年侍從臣親見隨所在
西湖春水魚不用一錢買不綱而施罟於觀似無
礙先期命罷之於焉示羣衆昨聞石湖上執事伺
丞宰添入湖中物實向民間採厥利自民入厥事
可勿罪初陳輒中止綱已三面解今茲湖水清春
流何浼浼湖澄魚自躍此其所以乃魚潛適本性
其樂奚啻倍

戲題虎跑泉

甘谷今成聚族居三巖猶溯出泉初枕流或可忘
歸也卓錫何妨一飲於幾點投林棲鳥下數聲隔
水晚鐘疎試將比並酈山菊能使人皆百歲餘

觀採茶作歌

采茶寒女家家喜曉起粧梳照水理傳聞

皇帝親來觀一鎗一旗皆天然移時

雲罕轉山路跋馬經行採茶處山前山後多種茶

種茶採茶樂且劬

叶

採得盈筐還細挑焙茶騎火

趁明朝年年採茶皆似此今年幸得觀

鳴鑣今日雨前真不僞

皇心早寓勤民意富家烹法試花羹尙嫌舌本少
滋味

閱海塘作

鞏固金堤捍海塘

前嶽慎簡股肱良

雍正間
大臣鳩工

世宗憲皇帝特命
後潮頭折行南

岸海寧一帶沙漲數
十里迄今永慶安瀾

漁船隱隱來收網沙戶家家

正採桑廟食重脩

新典禮

上親視海
塘命增建神祠

民生被澤永貽慶禦災捍

患惟神祐益罄

皇誠敬未遑

觀江潮作歌

江山殆子擗兩傍漁人趁潮身手忙觀潮要於潮
盛候上已節氣正相當望潮樓前

綵旂駐候潮未至宜徜徉歷未而申潮信緩雨雲
轉霽垂晴江曾聞直到嚴灘歇觀潮往事稱錢唐
今獨何爲波不疊黃頭迎潮節遠腔但見鷺下飛
振振不聞濤湧聲鏜鏜須臾夾岸擁微溜礪石不
動何硲硲陽侯空中自呵護弭轡未敢神飛揚蛟
人遁藏江妃靜山娟娟今天蒼蒼百神受職負種

伏江雲淦淦江水長傳稱强弩猶射落

萬乘所至能勿降方今河清海宴日江潮諒減昔
日强江堤鞏固民安枕近江戶戶皆農桑

岳武穆祠

可知天意亦何常臣職當全不易方十道信牌權
已去三言疑獄史猶光投簪空遂斬王志中餌難
醫時相腸身後餘榮華袞在

盛朝俎豆薦芬芳

再至雲林寺

要以神僧方古寺寬狹脩頽輔觀高畫長竹節流

清澗夜靜松聲和遠濤孤鷺嶙峋如卓筆衆寮擁
護似分曹兩山門裏叅禪者孰見真如孰啜糟

過靈隱至韜光

相識韜光寺

龍駒認曲盤遙峯通暗水空際隱明玕俗豈終能
遠禪宜此地安豈無蕭散士澗底自垂竿

坐金蓮池上用白樂天寄韜光禪師韻

可愛韜光衲無家自有家至今碧水沿時見金蓮
花眼界畱空色心根自發芽

幾餘閒徙倚不問趙州茶

用韜光禪師答白樂天詩韻

當年卓錫便飛泉鷗鷺忘機沙際眠北嶺茗蕘窺
北澗金魚遊戲出金蓮不知惠遠諧彭澤試看韜
光遇樂天欲叩禪關叅一指特標石筍在牕前

登六和塔作

玉隄捍江流堅固若安堵浮圖實鎮之建豎得方
所七成傳至今九級溯前古江風吹層霄清楚流
鈴語舍利光射江夜靜瞻商旅月輪湧峯巒鐘聲
浮浦淑香界霏千花螺閣銷一炷萬法會百標衆
理任討取三乘歸摠持文字自分部造極遺聲聞

空中滴珠雨大地足攬收化城一仰俯益深
宵旰憂應濟民生苦

皇心種福田夫豈曰小補

杭州啓蹕廻鑾之作

三千里外遍

親諏兩月風光此豫遊萬姓耕桑安世業

一人早夜厯先憂攀輿遮道情猶切湖面山容春
正稠祇爲視河飛

鳳舸五年巡典莫稽畱

聽雪閣作

從來巖壑勝往往相接連遂有山栖者於此一投
閑梳剔略位置要使全其天

宸矚屢登陟時復寄悠然

迴鑾蹕路便取徑再至焉緬想肥遯侶掩扉自高
眠誰知百年後人境兩共傳穆然會深致遂復畱
斯篇

遊獅子林

人言邛壑幽中可着居士苟非真隱者深谷同喧
市十笏獅子林以倪迂傳矣詩僧有維則奇石多
聚此

倪高士元鎮與維則友善常畱宿其中愛其
蕭爽爲之繪圖徐賁復圖爲十二景高季迪

姚廣孝諸人相繼題由來淡宕人本不事粉飾叶

詠倪迂圖早登內府

青叩與幼文字

偶來雙展齒分圖十二段不隔尺

與咫尺晨起汲井華手添養魚水古梅發新晴簷際

一相倚何期五百年

天仗來遊止禪窩欵松關雲竇漱石髓按圖徵名
字強半已多毀惟餘古狻猊猙獰踞遺址春來花
發時寂寞自紅紫山因仙始靈於此會深旨至今
甫里間猶說天隨子

詣 文廟行禮

范相規模遠于斯未闢園崇文公所尙吾道始爲

尊要以典黌序終能庇子孫吳中傳盛事

七萃煥星門

過紫陽書院疊舊作韻

堂壇規爽塏濟濟儲衆俊不遠庶復初無悔在行
慎務實惟執顏採華僅慕蘭善教如善歌音繼德
乃振安定主蘇湖條約無殊訓往往薰其風中自
去鄙吝黽勉而信脩澹泊以安分要知山岳崇所
積一簣釁矧茲絃誦餘宮牆仰萬仞敬義與明誠
偕立必兩進

曰明誠其兩進抑敬義其偕立朱學
子白鹿洞賦真希聖希賢要旨

成際良時少翊休明運

蘇州啓蹕作

又作金閶三日畱徐州

親閱早傳郵爭攀父老輸誠悃迴睇靈巖入遠眸
江國輿情終一慰邊陲萬里尙須籌五年巡典徵
虞紀展義還應事

再遊

題漪瀾堂

鏡影常澄自在新東風裊裊漾漣淪出巢乳雀辭
初鷺解籜春篁噴嫩筠碧蘚細縈如小篆玉泉遠
掛似垂紳

睿情暫憇催行騎笑彼耕煙誕散人

香樹齋續集

卷九

三

香樹齋詩續集卷十

嘉興錢陳羣集齋

若冰洞

石門滙諸澗泉脈噴清泚其冷欲冰去聲人名洞或

本此卓午亟添衣寒粟侵肌髓

宸遊小憇間緩步登龍尾石壁陡難上巖松翠可

倚于山旣悟兼于水亦鑒止河源人不到天一生

所始凡河源出崑崙寒不可邇遇秩祀祇遙望焉推理方若冰斯洞實

些子

復聞京師得雨志喜

香林齋集 卷十
皇衷感

穹蒼誠敬持方寸寰海咸衣被曾何隔際分京師
首善地兩見甘雨潤雲行而雨施先後歸大信今
日一慰懷馳報封章進麥秀方及時夏令司將近
穰穰祈自今惕惕益謙遜屢豐或可歌厥兆占大
順斂福在用敷羣黎實所願恭繹

喜雨篇一再情繾綣

駐蹕金山

輕帆京口渡飛舸羅列晴江遠近峯一品中冷還
試淪頭陀居士又相逢憑闌眺閣娛偏淡勝地豪

吟興每重佇望西南開

蹕路白門春色正添濃

惠居寺八韻

八字垂飛白

康熙四十六年

聖祖南巡過御書蓮界靈香精持梵戒八

字賜額

宸遊此亦曾雲依香共淡因與興俱乘曲徑紆清

陟層崖歷遠登曠情馳象外靜慮鑒潭澄貝葉翻

銅殿山名記寶僧偶然叅衆義不是問三能繩

武遊仍豫瞻

題感倍增重來成小憇

高唱谷神應

遊栖霞山

冠冕瑯琊是攝山南齊捨宅搃持前點頭頑石多
成佛出竇寒漿盡號泉拾草長生真大藥躡雲輕
舉定高賢

睿情初愜登臨地香界尋詩本自然

春雨山房

春雨旣宜聽春泉還可酌豈惟百草滋愛此衆峯
濯竹靜列如屏松陰張似幕東臯犁可扶西塞漁
堪樂

皇情如春雲玩景無倚著

駐蹕栖霞行宮作

隆然畫石西深洞有霞栖繖罩三峯亞跌連千佛
齊

清吟欣得句勝地况畱題一望江城遠天光淨晚
霽

雲霞供眺覽秀色豈能藏花落飛千琲泉鳴應八
琅老松眠磴穩新竹蠹霄強春雨連朝足

巡農候正當

遊攝山栖霞寺用尹繼善沈德潛倡和韻

一峯聳孤盤鬱鬱丹霞冠扶持倚神明來往接仝
羨稟精應牛女拔萃切天漢衆峯皆仰視肩隨露
角卅江令畱荒碑僧紹存公按地幽景物遂宜爲
靜者戀往往茹芝人延爽青豆院虛空灑靜便素
業澄鼻觀慚愧林栖人行纏猶未辦

巡方翠罕來豁達啓蘿逕臨霞

行殿開托基大居正秉珪方茁虔執事百工敬嵐
光耀朝日蘭薄悅真性浥草露飛甘出岫雲舒慶
牛首與落星誰能匹佳勝由來靈異姿蘊秀呈
明聖幾餘樂眺賞紫閣試閑凭松濤落笙竽謾謾

入清聽

鬱鬱萬松枝插向峻嶒石古幹挺青蒼削壁立
峩峩似龍門桐高者近百尺滋流珀欲凝中空皮
半圻童童垂清陰恍如張翠帟架壑築山房蒼髯
護四壁栽插始何年化作百千億松間來雲鶴松
下滯幽客誰叅黃梅禪團蒲聊憩息

五祖道場有
引路松萬株

更愛泉娟娟繞樹逗真脈

嶺卓碧雲繖泉跑雪色鹿藥草供揖生丰容滋滲
漉乳竇滴融融屈曲注深谷琮琤石罅間蓮花水
倒洑驚流忽迸瀉布水添新瀑花洞何幽深偃仰

仙者僕地肺相鈎連平分福地福

山中石穴名花洞相傳與句容

華陽宴坐石盤陀清音響棊筑

巖洞呀天開試躡飛梯上仙葩吐紅芳弄色佐

清賞山腰時洩雲蓬勃何瀼潏般若闢講室坦步
得曠蕩誰歟契真詮高僧躅已往繡經展金繩猶
聞梵唄響千佛鑿巖石盡作跣趺象笑彼蕭齊人
未斷往來想

溯昔古哲王遊豫無非事

聖人登覽間民莫不少置譬若作室家勤墉復塗
塹歷奧尙周咨緩策遊山騎山民業樵蘇澤足

菱芰哀謝珥筆臣優游逢

盛際未隨屬車塵一訪畫石異

時巡繼此來願與從官儷絕頂仰

奎章中天日月麗

萬松山房

田盤勝處著山房萬顆蒼松翠有光一樣

離宮延賞眺各將本色送清涼望中縹緲三山落

閣外星辰五緯芒明月秦淮行駐

蹕山田宜雨亦宜暘

登最高峯望江放歌

江衮衮若龍游山巉巉如獅鬬圖大者以四海爲
家望極者以八荒爲圃山川悠遠惟其勞也蓬萊
元圃不借高也

聖人遐覽萬象畢苞觀具區澤觀廣陵潮上下億
萬年眄睇百千里矧茲六代蹟考据多興圯誰家
戰爭何處歌舞付東流去矣旣登閬風愜襟滌胸
赤岸激逸磴磴齧齧揚鰭掉尾虎蛟螭龍明庶物
之紛隲乃成位乎其中靈和靜保元氣固南邦永
奠安耕農

駐蹕江寧作

重脩

巡典莅南區蹕路寧辭里道紆膏澤沾濡應遍地
江山明麗屬雄都上游節制南連贛右臂廻環東
控蘇再仰

天顏春正好羣黎喜與感相俱

汎舟後湖攬古

大興築堤圍北湖徑四十里豐茭蒲黑龍躍出湖
水湧樂游上苑羣嬉娛蕭齊沿晉習水戰組練照
耀浮飛鱸別有三山立縹緲位置不與昆明殊十
字河開冊庫建湖流小湮難按圖時平蝦蟹富涵

育

宸遊樂與宴
鎬俱綵旂駐岸
花映日權謳唱
荅喧
驚鳧

秦淮歌

長壠旣鑿消
龍氣淮流東
折通南埭從此
秦淮遂得名
考乘猶傳祖
龍世二源齊
注皆會淮經
三百里歸江
隈江流東去
勢趨海緣淮
塘柵防秋災
臨春結綺空
陳跡一抹寒
煙江令宅烏
衣巷口新柳
綠桃葉渡頭
春水碧山廻
水抱古秣陵
寒潮猶撼石
頭城高樓水
榭來燕語澹
煙曉閣聞鶯
聲可惜

歡娛莫浪擲畫船簫鼓紛如織青溪溪畔春正濃
雨雨風風作寒食

皇政肅穆斥俳優時和萌動審燠涼兒童抃舞士
女喜右史秉筆紀巡方

賦得鴻漸于陸

得時字五言八韻
江寧試士子題

飛鴻垂易象漸進協爻辭得路軒霄漢翔空駿羽
儀喜騰千里志正際五雲時野荻寒難傍春陽暖
易隨吉光誠燦若豐翮亦鶯其踏雪曾相印搏風
任所施鴈行趨並見鷺序望先知翹首
天達盛還應托遠思

閱兵

金陵北府兩將軍防禦維嚴各勵厯重寄專城非
耀武

端居垂拱自修文牙開鶴列三重陣塼護魚鬚五
色雲六載時巡

躬訓練精良無事待騰聞

題雞鳴山

江城四十里盤鬱流與峙秦淮後湖二水覆舟清涼雞鳴俱在城內金陵

之勝他郡雞鳴臨培元塘名一作栖元開館次宗始得名

罕有同者援物象牛首馬鞍似何山雞不鳴名隸亦虛揣山

因埭得名名易實本此花宮臨東麓梵唄宣禪旨
亦有橫經生稍涉四部理山光翠如螺倒影澄湖
底春雨飾靚妝婉嬾靜如洗

石城歌

虎踞龍蟠真地利竊據稱王與稱帝危巒峩嶷
江流龍虎拏攫峯稜出仲謀設險防必爭叔子緩
帶來襄荆橫江鐵索付一炬洛陽青蓋偷餘生春
雲漠漠飛朝巘昇平都會民安善波濤江面作鼉
鳴埤堦城頭數雉眼大小長干望中宛寬政

興朝津稅免

六朝津稅
俱設石頭

嫩晴攬勝

綵旂歸鴉背斜陽猶未晚

江寧廻蹕駐栖霞作

旋蹕名山又駐旌山容依戀比民情茆茨卑室恢
新構紺宇靈宮是昔營靜業已延三宿願長江行
課一帆程北徐河道方
親視節屈清和應候晴

玉冠峯

舊名紗帽峯嫌其近俚適和沈德潛詩得句云
久聞攝山名秀如玉而冠卽以易之

吾

皇南幸初莅此對山得句秀無比山靈抃舞聞

天聲品題丰格中名理從官屈伏爲折腰芙蓉五

朶青非遙須臾吉甫

督臣尹繼善承

勅旨雙手欲向山靈招千姿萬態峯稜嶒玉冠永
錫嘉名稱琢瑯琊作薺瓊作綴飄然霞舉如勿勝章

甫他年脩覲禮

臣添小相非曰能

汎舟長江夕景

長江如練天無風碧落四啓澄虛空船牕疑對明
鏡裏塔影半落晴波中滌煩愜襟其庶可近臣三

四

命列坐暮山蒼蒼呈靉靆夕川融融何淡沲移時
艤舟篙不舂晚霞射江江面紅登樓延矚望煙景
京口瓜步將無同簾捲攤書風自轉

幾餘此際興不淺樂山樂水性所涵仁知一源誰
與辨

渡江駐蹕天寧寺

晨移瓜步片帆輕

雲仗江干策馬行別館重來宜遠眺花宮小憩愜
新晴閱河紆道明朝進啓蹕還京一月程衢巷攀
扶須記取安民卽是

聖人情

恭和

聖駕駐趙北口行宮觀燈同扈蹕儒臣聯句七言

排律五十韻

首春巡路駐

行帷恭奉

慈寧恰四宜澤沛普天先玉句樂陳廣陌譜咸池

蘆芽寒凝

去聲

呈新坼水面晴浮散遠炊漢轉春星

多煥彩月臨霽雪似含滋霏霏睡鴨迴香篆肅肅

征鴻振漸達紫殿風微傳晚漏紅橋淀激聽流澌

上元協慶當行慶

聖化無爲大有爲在鎬

君臣方共樂卷阿豈弟擬賡詩輯圭虞收爰周度
擊壤堯民亦許窺齊起須臾千幻發妙裁頃刻萬
枝垂由來乘令應如是況爲祈年正視斯片片飛
空金翡翠行行挂定碧琉璃煙含微覺雲容淡萼
吐翻嫌梅信遲開合諸名歸祕製包羅萬象孕全
規忽排豁問神仙府又現平鋪白玉墀陸地能教
騰水兕風瀾或可露文螭偃師變換真同巧赤壁
煙灰未足奇但得囊探收遠勢何堪膽落縛窮夷

鬚眉豈肯終包裹肝腎何妨盡瀝披祝嘏洞天多
會集朝真香界識威儀直看霞舉臨曾漢旋見風
吹到近陂紅豆拋翻飄點點碧萼吐出綴絲絲工
參造化春風剪動合機宐上將麾勁後氣舒同晚
萼爭先神運似圍棋綿延川嶽千重疊榮落春秋
一瞥移撒荔排場宐奏曲頌椒才思合行卮翱翔
自在疑無際橐籥通靈豈定期間作八音皆入聽
卻令四季可同時比綿朵朵飛晴絮如顆熒熒迸
夜芝爛熳乘春垂妥帖光華復旦慶乎而近畿水
暖禽魚樂福地年登婦子嬉萬姓尊親皆似此

一人胞與實同之蟬聯櫛比天然叶伴矣優游自

徧施領袖班頭推內相步趨婪尾到家兒

臣子臣錢汝誠

亦與賡颺之例從容信紙搜清句更替濡毫玅詞宵旰

早塵歌父母文章示則感

君師辰嘉恰值徵燈會政善由來淡樂辭

用周子易通意

秧馬漏深聞踏踏玉蟲焰落復離離盈前倡和遊

休諺彪外森羅仁義旗元夕太平原有象

天家樂事本無私安全生計行將及奠定民居信

在茲負曝迎

鑿辭浙右泊舟覓騎滯江湄

臣於月正二日自浙起程恭迎法駕

元宵始抵邦上仰瞻雲物心千里快觀春韶花萬枝時樂

飛鳴多睨睨

異物志有鳥名時樂其鳴云太平天下有道則見

信天毛羽

自茈虢

水經注瀛鄭之間有鳥名信天

十分明月懷同照一寸丹

枕夙所持北地秧歌喧麥隴南鄉社鼓賽蠶祠六

年前憶屬車後七字聯教珥華隨

十六年春臣忝扈從元夕奉

勅聯句亦用七言排律體行近

天顏瞻霽意擬先輦路仰溫其同風會見淳初返

一道須從正始追爲語颺言拜手者日襄

聖德在孜孜

上再幸南邦駐趙北口行宮觀燈同扈蹕儒臣聯

句廷臣各二成每人八句共六十四句

上天藻迅發凡九成得三十六句字字天然無義
不該廣大悉備臣以荒陋才質勉成五十韻
計七百言前人七排未有長似此者因存之

臣於石門鎮

行在直次得讀

御製煙雨樓觀錢陳羣書趙孟頫耕織圖詩屏題
句元韻仰見

聖主念切民依巡方問俗一紆步之頃眺覽之餘
見有言民事婦功者卽爲獎賞不置真大雅

所云不聞亦式不諫亦入蔡傳謂聖與天合
者也恭和一首仰祈

訓示

再幸南邦此暫停幽風無逸早書屏農桑重本

家傳法盤劍褫躬自作銘到處湖山供眺賞隨時

補助感生靈吾

皇手握千秋鏡

臣愧唐賢張九齡

里人陳叟作漁父攜竿釣于柳汧候

駕經過見而哂之爲紀二絕句

釣臺何事築偏低

鳳舫朝來過柳堤
呂望若逢

堯舜日巢由結伴老磻溪

漁父詞翻望

幸詞綠蓑青箬獨綸垂
須知魚樂同民樂博得

君王一朵頤

恭跋

御製五百尊羅漢堂記後

我

皇種福天人師金田布金利八隣能以正見持衆
見遂使衆知成正知轉輪聲中獅子吼應真具足

光明時五千十六校多少俗眼拘跼終癡迷

巡方祝釐奉

聖母爲瞻雲林淨慈堂顏羅漢各五百世儒好事一記之廣延列坐指可數色相黏滯卽與離何如先後示權變卓錫萬年常住之階基雲興水拂龍象伏正者非正奇非奇岩巖宮殿山澗復世尊招手來皈依神通各自抱靈異尙用安立名字爲落成位置分十部信華所指香花飛詞嚴義密整以暇珊瑚碧樹枝紛披五燈四果有印證就班按律無參差雲林淨慈同供養受記會入三菩提小

臣盥手誦萬遍敢以線縫窺天衣東坡少游墮禪
習對之咋舌頭應低經天日月長朗照國土世界
歌雍熙

兩牕恭錄十六年春

法駕南巡駐靈巖宴準噶爾夷使元韻竝錄是日
恭和拙詩越今五六年中諸台吉先後歸順
捷音屢奏準噶爾部落悉入版圖

聖德遠孚功隆繼述復慶元韻因以志喜時乾隆
丙子四月朔也

當年扈從正巡方萬里西戎此近

光歸德夷情終自獻持危

聖化建非常放牛沙磧依雲表飲馬伊犁紀水陽
榮有袞衣 國有典秉心納款是賢王

題畱餘山莊

在南高峯北麓從荒煙蔓草中爬剔出之
地不過尋丈有瀑布匯注于石間潏然有
聲可補西湖之缺石壁峭拔其怪處不可
狀其處諸名勝中如飽珍錯時忽進懶殘
半芋意味自別也

仄徑蒙茸略可攀撥開塵土出孱顏聽泉未厭絲

絃沸到此應憎猿鶴閑但具靈根終見性豈令仙
石竟成頑當年蘇白搜奇勝畱得畱餘一段山

舅氏山翁八十初度

羣幼多疾疾便倚節母慈

外王母錢太恭人實嫗煦之

舅氏角

方惣羣也乳則離餽飢及黎棗育我必讓推稍長

越門限踉蹌行相追旣羣歸所生書館臨河潛舅

氏亦來學羣父實師資節母忽辭世如失怙恃悲

學車錢盡出後事略可治孤露依貧戚婚嫁遂致

遲讀書臺畔路晚步同尋詩連牀白苧子

布衣張

庚賦格多搜奇我旋遠游涉通籍羈京師兩奉

母氏養舅氏相趨隨低迷五十載白髮雙垂垂行
年六十七邁病窮扁醫再造荷

明聖賜藥許歸栖南鄉霖雨淫浣蘭竟同時舅氏以四

月廿九誕辰余以五月廿九誕辰少舅氏八歲每逢初度日倒著白接離

翁今開八十際會當雍熙迎 鑾見

天子鳳舫顧而嘻太平多壽民德化承福禔羣忝
耆英末一捧百歲卮

副都御史雷君貫一秉節視學江浙前後凡
七年清介和平明經飭行南疆多士咸被其
化今年夏差滿當更替以太夫人春秋高乞

假歸養旋奉

旨卽從浙江歸寧化

陳羣

臥疾家居作歌送行卽

次暮春辱贈原韻三言詩前人未有和韻者
循誦來章愛不能已遂以此志美斯愛斯傳
亦風人之致也

我移疾歸舊廬君奉母依巖居母曼壽神清癯導
旌旆出桐於何所將幾束書夙所嗜俱爬梳青油
觴當安車承色笑樂事俱我延佇目縈紆平生志
占連茹喈喈鳳萋萋梧如從酪得醴醕相彼鳥鳴
相呼加餐飯保三餘諸生送酒旣湑傳

孝治入畫圖

附原詩

雷 鉉

嘉禾試竣訂張觀旂孝廉溥三鴻博會香
樹齋中

香樹齋繫誰廬錢司寇致政居有二張老而癯
性踽踽肯相於一孝廉研易書析玅理櫛以梳
一布衣博五車寫山水能事俱我三載日縈紆
曷致之饑莫茹惟香樹如岡梧我往就吸醍醐
座四人以齒呼年二百八旬餘孝廉七十八布衣七十二司寇
七十一余卜此會酒再湑倩布衣繪厥圖
年六十

題劉祝三手把芙蓉圖

列仙窟宅芙蓉城重樓絳宮連三清
驟鸞駕鶴飄霓旌來往呼嘯馳雲軒
偶然一念落巔崖風雨遂隔難飛騰
下界蒼生要蘇息匣中半卷黃庭經
抱珠懷玉擁至靈七孔自守通神明
壺中大藥不終祕活人度世惟所能
橘泉流水卽門前杏花成林門不扃
有時結想舊城郭科頭獨步寒江汀
汀中夫容似相識採之爲佩畱芳馨
我所思兮在遠者願以遺之皆長生

盛賁園明府撫松采菊圖

石屏峯外酈山下幾處人思朱邑來不謂先生歸
去日山童正把菊花開

孤松謾謾有清音徙倚科頭自在吟我是陶家三
徑客百年共厲歲寒心

奉

勅恭和

御製賦得涉江採芙蓉

得江字 元韻注
于昆明湖上作

規壑連蓬島通泉擬曲江陸離芳自集綽約此無
雙曾奉騷人服還依仙子幢偶思供小摘便命轉
輕艫出水神偏遠遺賢心則降

九歌寧汀洲兮杜
若將以遺兮遠者

王逸注遠謂高賢也扶疎承夏簞容與傍秋牕題就

鴻裁古來徵下里腔龍文論百斛弱步豈能扛

贈諸宮贊襄七

宮贊年十五與予同應童子試後同官翰林既予養痾旋

里宮贊亦

引年歸

四方相逐比雲龍一笑芝田有鶴蹤來往卽今存
老輩盤桓依舊撫高松君充百福坊中長我學千
金圩上農

帝許蕭閑天許健著書歲月正從容

附和詩

諸錦

車如流水馬如龍自分蓬門卻掃踪忽逗珠光

天上宿來摩物表礪邊松直廬休沐瞻前輩露
冕春游問老農好爲蒼生煩一起

時巡扈從許從容

松泉尙書次子承霈出其尊甫手書冊子索

題示一絕句

野鷺家雞論亦偏袖中出簡爾真賢父書今日親
承法省卻他年數萬錢

用歐陽通事

九月四日同年盧雅雨都轉喜予赴登高之
約乃放艇真州邀同年戴通乾來會是日卽
飲於雅雨官舍期以九日遊平山堂通乾得

詩二首卽次其韻

獨立遲秋月清光恰二分故人來舊雨健筆發高
文望極還山鳥心空出岫雲登臨好攜手何處著
塵氛

力疾遊仍遠重尋三過堂淮流添酒綠秋露溼橙
黃但得千場會寧辭兩髯蒼蜀岡松外路山色辨
微茫

余返棹歸長水通乾有詩言別次韻爲荅

海內存年輩吾衰行共誰那堪相見日又是暮秋
時瓜步半輪月真州一卷詩雙魚憑問訊強飯慰

相思

雅雨都轉同年以平山堂詩見遺適予疾作
未得奉和後數日雅雨復劄示云若眠食旣
安中秋重陽間可來一遊知予里居岑寂惠
書以當枚乘七發也九月五日始得如約卽

用原韻奉酬

自昔招邀屢放舟笙歌隊裏略勾畱憑誰編載無
雙譜此是繁華第一州眺聽有緣終一到詩篇非
債也應酬重來通守堂邊立

天藻昭回最上頭

不到紅橋又四年故人顏色好如前水流曲曲雙

條帶

謂保障迎恩二湖

松結層層百尺巔赴約會中鶯脰

客攜來湖上鹿頭船閑看池畔鷗眠處沙印經秋

箇箇圓

鈎引來遊又一通情懷如水必之東貧囊未辦纏

腰貫病骨猶堪落帽風一自

宸遊春皞皞恰添煙景雨濛濛

今年二月蹕揚州有

上駐御製

雨中遊平山堂詩

太平日月真無價莫送繁絃緩吹中

江上芙蓉照眼明家家亭館動秋聲傲霜草木花
難老薦爽尊壘氣倍清細馬人來浸涼月賓鴻酒

半落高城添衣尙擬松間坐整備歸船聽六更

奉和玉笈翁丁丑九月八十初度出游南山

信宿陶庄恭瞻

御題畱餘山居額依四字爲韻四首

卅年僑寓便勾畱早讓林泉出一頭不是荒涼拋

鏡曲

翁從會稽徙居武林

由來情性愛杭州黃華爛熳開三

徑白社招邀恰九秋斐几門生方臥疾未能攜屐

作同遊

吟多自喜意仍餘奉

詔編摩勝拜除涉世因緣同塞馬食仙願力比書

魚幽人已赴韜光約詩老猶尋庾信居

歸愚自曾吳往祝

記攀躋最高處有時回首顧蟾蜍

陪游山路羣蟾躋麓峯下若蟾蜍

也

一庄霧豹隱南山今日靈奇昨日頑竹閣要畱名

士飲雲書况拜

聖人顏

上曾幸此顏之日畱餘山居

爬搜枉費白蘇輩來往應

居佺羨間早約尋春梅放候一枝筇杖欵仙關

無須卜築傲山居小住何妨當結廬雀舌滌臙謀

野衲蠅頭防老覓抄胥石梁崛强雲初撥瀑響琮

琤筑不如福地卽今邀

膚賞可知造物善畱餘
山腰有石橋橫跨兩峯石壁有瀑如簾垂注皆新闢也

官怡雲方伯七柏畱小影

兩株行立皆干霄
迸石直上曲且喬
風煙盤薄何飄蕭
倚磴兩株掖之左
陰森岌強亦頗頗
接連三株不可蹤
奔逸跌蕩傳虛空
主人愛樹兼愛石
自署山人學衣白
石間秋草不須除
物外閑身聊自適
蒼然鬚睂如古松
松茂柏悅成遭逢
題君畱送君歸歸
塗定出泰山下
漢家老物猶存者
黃精欲苗雪壓深
木柄長鑱任君寫

荅祝茂才

鍾期旣遁跡索居守空林伯牙未遇日自賞高山
音生世苟相失奚啻隔萬尋我老寡所契區區抱
此心仙石偶一瞥願言慰自今

轍跡問誰合終屬閉門者全神混巧力正鵠赴指
下石罅海眼穿泉脈琮琤瀉旣盈當復絀鑒茲去
滿假冬夜刻漏遲討論勝長夏

重陽後五日子以遣病薄遊平山堂將歸適
恂齋觀察從黔中歸訪予於舟次明日訂同
歸里未一月而恂齋已登道園詩以志挽

病不廢遊遊易倦秋風歸櫂泊江濤遠檣水面飛
鄉語扶杖船頭揖故人近局得君從此老夜臺先
我返其真誰知一會翻成訣回首平生跡已陳

香樹齋詩續集卷十一

嘉興錢陳羣集齋

恭和

御製賜和田園雜興十首元韻

有序

臣於去夏曾錄近藁進呈內有武原舟

次卽事偶用范成大田園雜興十首韻詞

臣里居奏箋封達稍展依戀仰求訓示

用開茅塞乃於月正元日

臣

黎明詣郡城

天寧寺望闕賀正二日卽登舟北指恭

迎

聖駕行至蘭陵四子

汝隨

齋到初二日接

臣子汝

誠信內有十二月十一日頒出

御製賜和詩彙十首跪讀之下驚喜惶悚感激涕

零復用

御製詩韻敬步十首鳴謝 奎章下賁方深飫

德之衷暄曝抒忱初譜迎 鑾之曲又聞

是日

上命內廷諸臣恭和

臣子

汝誠

與焉俟

御書發

下廷臣各錄和詩彙爲一卷

頒賜爲

臣

最傳重寶殊榮異數實亘古罕遇云

履端瑞靄下

天聲三百驪珠光混成眷舊

恩深語親切淚流喜頰感平生

其一

萬翎朝鳳自相催倦鳥礚礚翅欲開不謂丹山方

振翼

暮光先到小巢來

其二

白版雙扉日拄柴閑行閑詠偶然來洪爐一入甄

陶裏便有餘溫活冷灰

其三

方傳醫手昔徒勞偶動鄉思首重搔大藥拜歸

天上賜

壬申夏秋間抱病蒙
陛辭日賜詩寵行又拜人參之賜

恩遣醫調治

功逾

酈菊與綏桃

其四

病餘隨分理新畦芋要陽坡菜要肥春水春山二

三子薄遊興盡便來歸

其五

磬磬鴻雁集來遲女絳男耕氣力微

聖主勤民同一視楚江輪輓百艘飛

前歲浙西秋成歉收民食

顏艱

賑恤並命撥楚米以濟

其六

九重求莫軫饑寒曾飭司饗減食單大有今年拜

天貺歡呼蹕路

睿情寬

其七

家居猶拜水衡錢靡祿從今又幾年養老何須還

乞郡

聖朝存舊德同天

蓋蒙

御製詩鄉俸從今志可寬
恩許臣在家食俸也

其八

北指迎

鑾帆影低

臣舟從漕艘中行
挂帆殊未便也

詞臣躍馬正南飛

臣

汝誠適扈
從南來

倘邀三日還家假情話春宵簇一圍

其九

家家人日共挑菰新釀如淮氣味醲曾在幽風
裡見道傍介

壽獻春供

其十

題楊蘭坡紀夢詩後

長短歌傳孝子詞寒牕酸鼻一吟之登高幾度惟
瞻望入夢聊憑慰所思啼笑猶仍萊子服劬勞堪
續蓼莪詩人間多少遠遊者讀未終篇泪已垂

瓜田兄病起許予同遊惠寄二絕句次韻爲
荅

丸藥焙茶添冷課尋鷗訪鶴續幽盟兩枝筇竹一
壺酒便試新裁布襪輕

倦來攜手上船去柔槳沿溪曲曲深莫怕枯腸無
好句春風春水會催吟

題朱副總家慶圖

三世同堂笑語真石闌干外草如茵松皆五粒竹
千个此是朱陳村裏人

勇略韜鈴本將門龍城交桂豎朱幡一經課子登
賢俊要以循良報 國恩

園林風物正恢台房李綏桃佐壽杯紀載全畱詩
華富定推齊沈兩容臺

翟滋圃明府小影

十載多循績遷除始自今

時量移奉常

聽泉寄遠意信

紙動高吟暫輟鳴琴治仍懷近日心披畱挹風致
如對碧山岑

盛孝廉餉柚賦謝

盛孝廉百二省親於粵東官舍啖柚而什
取其子歸而降之十數年成樹高丈餘今
年結柚二大可受升二體圓色黃白而潤
徑二圍有奇視粵產有加焉柚橘類也橘
逾淮而爲枳柚遷地而橙獨此柚越五千
里不移本性見者異之孝廉以其一餉予
又以其一遺爪田外史張庚明日張爲畱
所遺者作詩識之且爲之說復攜以示予
予不能畫迺展張所畱者於淨几諦視三

日信紙摹之蓋兩柚大小本相同也按志
乘所載韓非子曰樹柚者取其甘也香也
大如斗則少味此柚托根於粵播種于浙
不變其性不易其體果木中君子也詩曰
君子有穀貽孫子又曰惟其有之是以似
之斯柚有焉孝廉其封殖此樹以無忌角
弓並記以詩

其族大繁於粵囿其核多遺而不收貢則以錫包
且覆未聞移鄉猶存舊盛子食之攜歸袖十年成
樹根本茂涼秋露白鴻雁候黃金團團結雙柚其

圓如柑倍好月色潤肌理溫而秀好事傳觀爭欲
購主人微笑笑不售一柚先歸連天宿圖成墨本
真足副一乃惠我供座右旋走八九俯而嗅沁齒
欲噴已隨漱人言遷地味勿又何此不改如哺穀
其理黯深不可究吾欲測之向誰扣詩耶說耶其
爾授願爾流傳爲世壽

丁丑嘉平廿有五日奉到

恩賜御臨米帖恭紀

廿年趨走直禁廬班隨枚馬曾侍書落紙生動挾
風雨補戈拙劣慚褚虞

睿情澹泊百不好往往柔翰供清娛錦贖繡褫列
五嶽品題甲乙珍石渠有時隨意一摹仿出藍風
格神明扶指端靈氣有天授八法自合節與符每
當曲宴啟行幄喧闐樂部醴則滑

御案揮灑試游藝墨香浮浮霏綺疏從官岳牧但
讚歎鵠鶴飛白摠不如今春迎

鑾數召見拜賜長卷

恩遇殊

今年恭迎
園雜興詩十首

聖駕蒙頒賜和田
御書長卷

晶瑩欲比

秋星燦妥帖直似春雲敷手拭几席靜以對寶光
奕奕無時無從來鑒古重尺牘流行代不乏名儒

鍾王以下體各具能事枚舉稱官奴唐宋至今閱
千載顏柳歐蔡黃米蘇要以跌宕寫興會人懷盈
尺奉楷模辦香後勁數松雪外此曹鄴同抄胥我
皇寓意不畱意咀獵衆美包其餘時惟歲宴諸政
舉瑞雪霑足嘉平初司農告成報大有百禮旣洽
萬彙舒陽平流清奏底定蒼生黎獻光海隅戎兵
克詰遠徼順屬國王會方呈圖

慈寧悅豫介多祉

萬幾餘暇安宸居便撿寶笈發竒秘更勅中使規
林筵襄陽已往墨猶在縱筆所至神與俱是乃

天府增重寶近臣竊羨羨且徒何期

鴻賜及衰白五雲飛下蓬蒿間整冠設仗跪驛使

迎春青蓋方填塗

立春日頒到祇領時適守開械上官陳儀駢集街市迎春

敬觀展鏡面照耀九十驪龍珠波磔自赴渾節角

姿態盜發華不腴南宮習氣盡擺脫得其神髓遺

其膚聲光所播衆傾仰願得見者來士夫臣幼晚

弱輒費紙藝林騰口嘲墨豬拜辱

教誨慰依向恭承

矩矱砭頑愚

以上六句用帖中語閑翻秘帖每神往法書第

一推君謨

蔡襄有謝賜御書七古蘇軾稱爲趙宋法書第一

以臣孤賤遭

異數平生志向應不虛昔聞折腰曾爲米

米友仁畫山水

既成客求之不得數叩頭請乃與之友仁作詩戲之有折腰原爲米之句蓋以米姓借淵明折腰故

實也臣今稽首其歌歎歌成感悚何以報丹悃一寸

惟區區子孫世世守永永西清佳話傳

皇都雪牕蘸筆梅萼放豐年有兆歌維魚

昨冬得雪新正

三日又得雪同雲應候兆豐登也

題江氏園亭黃芍藥

鶯肪裁出淨無瑕正色應魁貢父家我老葵心托
同調愛他也似向陽花

端孫錄首春雪夜與豫堂擗石喬梓同賦之

作郵寄呈覽喜而示之亦用新字爲韻

雪夜春盤會書堂聚席珍偶添燈火課同詠歲華
新請益來蒼老相於在率真吾行揩眼望見爾作
詩人

曉行長水舟中感春

送老年華在偶於所遇欣天邊春到地水面月穿
雲身世桑麻約心情魚鳥羣太平誰繪得氣味澹
如熏

正月廿二日同人邀遊東湖黃氏南莊歸飲
於張氏十杉亭用昌黎酬盧結事雲夫韻

雪晴煙樹春姿淨風恬波面開明鏡名園結束如
美人自守婉孌靜以正便攜童冠各五六登高四
望窮遠目我老逢春舞婆娑林間曲逕遊人多十
杉亭子紅橋外時有遠帆來笙歌水門廻抱不數
里九曲滙赴東湖裏珠樓前度我曾來當年此地
數銜盃同遊故人各雲散惟有春風得得使我懷
一開倘能買屋數楹水一曲誓將日與樵夫漁父
相追陪

恭閱邸抄

上以耕藉時所司設綳懸綵非躬親民事本意自

今年始命除綵綳之設著爲令仰見

聖天子念切民依重農精意非祇若露臺之罷專

崇儉德也恭紀一首

青壇臨吉亥玉藉重

親耕邇陌馴蒼特和風上綵綳

新綸崇節儉舊制罷經營自有祥雲護欣聞布穀

鳴禾詞歌宛轉象管譜韶謨簞笠同沾雨山龍便

課晴豈惟敦本務實以感精誠惜彼中人產光茲

萬國程四推

家法永九從月卿清德化如風動寰瀛見太平

乾隆二十三年二月二十五日閱邸抄恭讀
上諭及辦理俄羅斯邊界事務喀爾喀親王桑塞
多爾濟等奏到俄羅斯移文知阿睦爾撒納
逃至伊境被溺撈起後拘禁狼狽隨出痘死
自逆賊背負

天恩逃竄構釁大兵追捕游魂飄泊計窮力盡遂
伏冥誅今者身死絕徼所司驂看旣實普天
率土益服我

皇上廟謨獨斷遠振神威至是平定準噶爾大功
告竣觀

光揚

烈

天

祖爲昭服化畏神遐邇其慶臣雖衰病林栖然心

注西事將三年矣額手稱賀喜而作詩恭紀

其乙亥之夏平定伊犁我師深入賊境數千

里攜羊酒跪迎不遺一矢用集奇勲臣於捷

音奏聞日敬製

聖德遠孚準夷歸化四言詩一百二十韻以

進茲不復綴云

憶昨收沙漠功成五月期事機

天默界決斷

聖全持用地非恢地

先是都爾伯特台吉車楞等先後各率數萬人來歸

以爲歸者當撫若不卽其地處之恐經過之喀爾喀被其騷擾遂定議進師非利其土地也因

夷可定夷昔稱幽阻路近見蕩平時渠虜方歸命

乙亥五月遣阿玉錫等斫賊營賊兵大潰蹂躪死者無數降者七千餘人尋狃人阿奇穆霍集斯伯克生得達瓦齊詣三軍旣整師飛鴉訔內潰竄鼠

車門獻準噶爾平

自生疑事本無關重勳何有或虧盈廷仍密議頗

主莫窮追

帝曰予臨下輿情實其之革心終可錄

達瓦齊悔罪効順加

封王爵 背德必嚴治毋使孤游孽行令煽惑滋捕亾

嚴告戒用力或差池犄角中微隔貪狼間逞私

國威無少劬臣節豈能隳謂死事一倡勇

朝章茂飛芻軍實資執言馳絕塞効命備邊籬古

有未通譯今無自大睡哈薩克自古未通中國至是稱臣納款遂約我師同

追逆賊阿同仇堪指日先導請隨麾大食俄羅斯國

王城博洛陴從來和好部夙昔著明規俄羅斯部與天朝

和好久申誓約彼此不得容畱逃入何物么魔者致干約法爲增禽

寧擇止驚獸此焉羈地網難遮蔽天誅正在斯腦

溫江上鬼泥撲處中屍俄羅斯近邊之地曰泥撲處投虎何曾

食鞭牛詎足支濁塵歸衆棄國憲自平施

親王齊巴克雅

蘭品爾等詳認死骸奏聞上以既無可疑解送與否不必深論傳諭中外知之

善後方

煩慮籌安在集思重華稱大智文德必周咨

舜之大智

不棄邇言用中之妙仍歸獨斷我

皇上神機迅發貫徹終始盈廷集議仍許各陳所見殆有同矣

者威遠神爲助拓疆事更奇勤勞三載績奠定萬

年基

太子太師尙書松泉汪公挽詩

有序

公與陳羣交垂五十年如一日驚聞溘逝爲

位哭之出公平生餉遺諸物及各種辱贈詩

篇羅列棐几間當年得公筆墨最富殊不甚

愛惜至是兒輩亦知寶貴矣灑淚臨風叙情
述德情見乎辭昔少陵與曲江諸公交契未
深八哀詩所述皆諸公事蹟官職及行誼出
處間有補唐史所未備者今公與羣幸生
聖明之代先後同入翰林趨走

禁近愈久愈敬有令人不能忘者至公品詣詩文
醇而無疵早蒙

主上深鑒撤琴之日

聖心軫悼親臨奠醑凡飭終厚典逾格隆恩史官
書之家乘傳之不詮次焉

束髮求友生揖此房杜侶相賞在文章何事煩縞
紵泊乎心迹諧有無通取與羣方官二廳公適遊
上序考評析秋毫裁斷同利斧豎義括本根豈敢
分門戶同觀索靖碑共拊太學鼓金石夙契深心
追指畫肚曾荷母氏知曰後貴公輔公常拜羣母於後堂公出
母曰器度雅飭非凡才也後羣畱賓嗟髮空輒鬻
母每出所畫潤筆爲公飲饌所畫楮無何登玉堂撰述運機杼同典石渠文音
律中鍾呂公移眷屬來衎衎卜鄰處羣每奉於役
存問罄觀縷謂當逐雲龍非曰托蛩駘置身

堯舜朝稷其期許

期許復黽勉山川方出雲我

皇聖繼

聖簡在皆舊臣公才益復擴羣亦守斤斤晨夕趨
禁籞相勗惟慎勤

巡方以次舉扈從時駢駢令辰

賜曲宴賡歌揚清芬昭回耀五緯色正芒亦寒同
職爽鳩氏明允期平反公尋典鈞軸密勿承

絲綸羣老識且短一紀守一官壬申春正月下直

公稍閒索飲故人酒要續少壯歡家兒悉命坐各

餉以詩篇

十七年正月八日公率諸子過羣家索
飲明日餉羣以五言古詩二篇示羣長

子次子各一篇篇皆三百言公貴後所未有也公亦攜諸子一室如荀陳

荀陳感星辰躔舍有離合二月隨從回田盤

賜遊屨並騎尋幽偏春泉俯而歆奉

勅賡和餘紀行詩滿篋公筆縱所如惠羣數十帖

公猶歉焉謂厚意久未答既羣邁沈痾

聖慈荷重疊公每見而慰退或淚盈靨承

恩數召見進粥日一啜

十七年五月羣得反穀症蒙恩體恤備至每詣

宮門輒蒙召見日

賜粥一甌咽之甘美融潤自後食少進

公畱宿

賜園衾稠必同榻伺羣偃息微以手摩且搭苟非

道誼隆何至若斯狹芻蕘臨別陳公感開誠拾

羣將

出都公乞惠言羣答以持重練達皆公所優惟度量須益恢擴詩文須益醇粹服食起居固宜儉節亦無過自損抑致失養生之道蓋公孤之貴賢豪窮乏鄙戚能無少異欣助耶公斂容受之賢豪聚無常況此兩衰頰羣疾日以退問訊通牋扎彈指六歲中況示各心愜

心愜復執手

翠華行再臨迎

鑾羣北指公隨屬車南浹旬平江道並楫談更深念羣食指累餉以所

賜金

公過嘉禾郡遣公子承沆齋百金曰是節所賜金也爲兄嫂壽羣婦率諸婦拜而受之

邀羣到公舫手進尙食甘尋公乞

恩假一省珂里岑假滿赴

行在羣適返舊林公旋示眠食一再慰我心

公扈從還

京後曾兩次寄信存問

春仲聞公疾犬子達家函云昨問疾

去執手淚涔涔訓言三四語親切皆官箴羣驚氣

爲阻鎮夕如懶蠶

蠶將眠飼桑不食爲懶蠶

最後問忽至履聲

已就淹

天子親賜奠祔祀光新龕哀榮旣備至餘澤晉宮

銜公沒歸列宿公生實爲霖臣規明如鏡云何不

可瞻天末有老友鳴咽誰能堪所知日陵替黯焉

立茅檐

題季弟曉村桐陰把卷圖

正月廿有五日武昌信至驚聞曉村訃音
遺言以予第六子汝弼謹愿請以爲後擇
日告家廟易服擬遣四兒汝隨入楚扶
榿哀慘難狀瓜田大兄與予兄弟自幼同
學予舊居南樓下有老梧高六七丈寬二
十圍許予與瓜田讀書其下弟峯弟界皆
肩隨焉今五十餘年矣兩弟先後歸道山
瓜田見予痛不能釋爲曉村作像執卷坐
桐陰石上志初衣也灑泪題之錄於幀首

三峽猿聲斷衡陽雁影離叔敖終有後伯道竟無
兒割愛承廉蹟圖真見令儀當年讀書處長此寄
相思

左車將落

近得舍弟楚中計

六紀依予輔况當失序時亦知不自守豈忍竟相
離痛楚吾甘受飄零爾其誰太剛原易折便悔恐
嫌遲

題彭芝庭少宰蕉陰課孫圖次沈歸愚尚書

韻

清時經術重韋門曾直蓬瀛與細論要向君家乞

衣鉢得來方法課諸孫

雲根新綠倚蕉林堅固須將密義尋

問佛叅堅固於義云何指

芭蕉曰是堅固種

指點膝前諸玉樹讀書便見古人心

析理秋毫辨似細傳來貫弗發芸香石家子弟遵
家法不學城東戴隱囊

家祥國瑞毓芝蘭有子門才侍

禁鑾

令子供職翰林更

羨南陔多樂事孫行隨侍奉慈歡

題張寶南太守遊天台圖次梁薌林相公韻

台嶺運自然牛宿曜靈越昨嶢護煙霞丹碧鑲城
闕歷遊寡所之神秀指一髮其有淡入者冥奧非

言說張侯滄海彥忽冒通仙窟蒼赤霖已膏暮夜
金早絕華蓋來山中犖确止臺役旣隘境復寬空
濶呈豁達石橋橋畔松天矯自能拔所判飽朮芝
何況遺簪笏春谷噴扶蘇芳蘼毓生發稍溼紺乳
滋仍踐莓苔滑遠瀑珠隨風衣袖散餘沫時禽不
知名交耳令人悅雙扉玉犬司危磴白猿跡要憑
七尺筇直上捫蘿葛扶持倚神明瑤草行可掇靈
運躅已遐高懷未消歇我慚賀監歸懶著遊山屐
白嶽與赤城清夢夙所結借圖當臥遊風致遂少
別計將侶侪羨昇平遣歲月題詩尋息壤此理悟

甌脫居然興公後姓氏於焉揭

寄懷尹望山宮保三首

同氣求友生我懷尹吉甫橐華來柯亭蒼老聞低
語謂是博大姿他日期公輔一笑握手深披示到
肺腑翰林儲才地

先帝此焉取東南財賦邦

命公作霖雨最後羣受

知翺翔於藝圃存問憑雙魚加餐力須努

先公政府日

先相國遇羣最厚

編摩多咨詢鑒公與羣善

延接禮數敦高

東軒

陳榕門

劉

松喬

顧

用方

輩相

於致殷勤

今皇重毘倚權屬望益尊舊游皆膠漆宮中奏雲

門

宮中聖人奏雲門天下朋友皆膠漆此杜少陵句也

養痾予白屋鞠獻公

朱幡廻舟勞一訪得展笑語溫坐間見諸子各示

以訓言

再幸舉虞巡衽席安赤子狂瀾地中行羸瘠溝中

起

萬乘臨軍門

上駐驛江寧曾幸公官署

一德家人禮名山邀

宸顧公夙先竚埃卷阿多矢音翻水動盈紙詩名

慚沈錢

上每曲宴稱沈尙書及羣名自是有沈錢之目

道也終卑拔公

或奉

勅賡餘事發清微穆然披惠風大雅扶正始

附和詩

尹繼善

耆碩贊 熙朝譽望推山甫合簪憶昔時禁闥
挑燈語翰墨互討論道義期相輔金蘭氣味投
片言傾肺腑共詠含青樓湖山頻記取聚散等
浮雲關心惟舊雨鬢髮已鬢髮逍遙入林圃六
橋煙月中健步應能努

聞公歸田後

天語每致詢年高遂願養德備品尤敦寄情淡且

遠薦學老彌勤泉石引咎哦時時達

至尊九重飛雲箋麗藻燦衡門昨歲

幸江臯扶杖迎龍幡眷懷香案吏霽顏如春溫
江湖猶戀闕拜手數颺言

廿載任封疆無才佐

天子同輩已寥寥猶望東山起何日共聯牀重叙
故人禮把酒聽高歌萬言倚馬竢郵筒寄我詩
雲煙飛滿紙咳唾盡珠璣嘆賞神乎技直追大
雅音含商而嚼徵讀罷發長思交情矢終始
香樹
每約來遊栖霞
未果詩中及之

積雨初晴漫漲漸退田苗有懷新意招二三

子汎舟登煙雨樓觀荷隨放櫂莊柴圩

即古白亭

村看稻用東坡汎舟城南人皆苦炎四字韻

時憂澇稍釋心猶悸也情見乎詞坡詩中亦有相同處想當日城南之遊在久雨後也

剡紙裁成抵寸鱗相邀放櫂弄汀蘋採風引證繙
閑史載酒江湖擬散人岸柳蘸波搖不定水鷗出
浴狎還馴生衣磅礴蓬牕坐一試君謨鳳餅春

喜爲時晴到處皆老夫一月已空齋風生最愛苗
初擺雲上還疑雨復霾客是伏中遊濮上船如汎

後過徐淮人家臨水添清課穩守魚罾但坐階
問雨占晴老吾土年年憂喜誰曾數感

穹惟有

九重深

時望

雨虔禱

上以京師深宮

墮崖早識蒼生苦齧岸

應消平野漲登盤忍飽迎刀縷鄰舟法曲奏雲和
坎坎又擊酬神鼓

斜日將歸興未厭偶逢田父話茆檐蟬移忽定依
晴樹燕去還來認故簾菱葉水深偏引蔓荷花香
淨正當炎侍郎饒有韓公癖徒手能醫翁媪疝
十餘載前於役豫章奉旨便道省墓曾登煙雨樓賦詩時守僧某病瘧甚狼狽讀予詩愛之乞予

手錄橐置枕邊寒熱作輒朗吟數過越五日瘧已
詣予謝並刊予詩於壁間今日近鄉父老亦有病
瘧者因復
作此以示

若濟還蜀詩以志別

併序

國家制科之設所以遴選人才師古者敷奏
言揚之遺意逮乎流弊爲奔競爲標榜盡已
之長以命中者什得四五焉返已以自信未
能不遽求聞達者什不得一焉若濟未弱冠
舉於鄉來京師余與若濟父中安侍御爲同
年友寓居接衡宇若濟日夕詣予論說因得
窺若濟所學極有根柢方之鄉先進殆尹道

真譙天授之流亞歟比侍御入禮闈爲考官
若濟例應迴避適有 旨凡父兄入闈者子

弟許與試

皇上念士子跋涉之勞不欲

以公廢私自宋紹興中舉行以來四百年間
未有之曠典也若濟入闈構七藝出次日同
榜輩約若濟應表判試則若濟披衣起徒步
出城詣予曰文之美惡吾自知之昔瞿昆湖
公車訪荆川於途荆川謂其文不能作元促
昆湖命舟歸里門卽日閉門歲餘乃得荆川
之言此不能自知而借鑒於人者也昨所爲

文豈直不可元也故未竣事耳 皇上方右
文重經濟才吾於刑名錢穀皆未之豫不聞
以仕學也且吾父荷 皇恩甫一歲中歷遷
三署年限例未得請假回籍願急歸爲吾父
奉侍吾祖使老人無鯁鯁虞是亦拙者之爲
政也是則志焉耳予聞而偉之取酒飲之曰
文不輕試彊學也仕不求速恐政之不修以
罔上忠之屬也請於父而侍其祖孝之屬也
吾子有三焉可以歸矣詩以送之且志勗云
嗚呼可以風矣

厥初生民風恬以嬉組綬爲累視彼中犧以安作
息鄉井是依設官分職俗用以漓凡厥正人好爵
是縻曰網羅士三代因之僻彼魚復越渝之湄山
水襟帶自爲藩籬懸車束馬聲教曷施冰開陸海
文黨以治遂漸齊魯方軌而馳雲淵繼出才軼而
竒後之杰者布列如碁爾生雖晚幸際良時覽舉
譽並陽河望隨鶴鳴子和實爾之期言念卹園筆
不綴詞處素以默妙機其微一龍一蛇維朔之規
息茲六月可用爲儀爾之行矣翳我之思

是詩作於雍正二年詩成稟遂失去又三十年

有蜀人李生調元隨父化楠官吾郡之秀水頗
著廉幹生勤學好問數過予問字篋中藏此橐
問之曰蜀人多能讀先生文者今得見先生幸
矣若濟爲予同年樓山大中丞王諱恕之長子
年十八善屬文博學有孝行名汝舟甲辰舉於
其鄉赴公車入都時父官給諫爲同考官迴避
還安居居祖父喪過毀遂不起樓山由庶吉士
官至福建巡撫所至有善政至今祀於閩閩人
思慕者遇旱潦疾病相率禱於其祠立應適予
續刊香樹齋詩集是詩失而復得因補入第十

一卷並識數語以傳之

曹母陸太君輓詞

有序

余官京師素知太安人治家訓子有賢聲
家居數載戚鄰閒論里中賢媛咸推重焉
昨長君庭棟寄述母德詩二十九章遂賦

挽詩一首志惋

清門有賢母義方如嚴君女宗風著範姆教承名
門相夫復訓子鉅細肩此身里端稱淑孝衆口同
一論寬嚴酌中道秋肅兼春溫兩子成名儒荼苦
嘗艱辛遺孫相繼立咸依王母存家傳燈煙帳三

代相勉諄卽今譽髦起後進多能文制行動淳
不肯失笑嘖陶孟風已往賢明屬伊人夜披述德
篇吾衰感平生

施方屏大令屬題張南華詹事山水

故人張詹事能詩善山水木石秀而疎往往絕塵
滓有時應 召至詩成未移晷復命作繪事頃刻
盡數紙

天上溫語褒激賞拜文綺此幅仿孟端生氣略相
似畫樹樹如隸畫石石不死平生善施侯遺此南
金比施侯實珍之官篋付包匭謂予玉局仙曾領

文同言題詩證前因龔隗無二理

秋日再哭曉村弟

終負歸田約家貧官更貧池塘違謝客幃幔失楊
津那有胡威絹惟餘范甌塵因風吹楚些灑泪仰
秋旻

香樹齋詩續集卷十二

嘉興錢陳羣集齋

望山宮保會同劉延清太宰裘漫士司農彭
城閱視河工公餘倡和有疊東坡雲龍山韻
望山寄詩以示因用原韻爲答

羣公鳳翥鳴高岡衰翁作書但換羊

用東坡事坐擁亂

帙堆滿牀考評道藝窮微茫雲間懷人道阻長兵

農禮樂各相望

上鄭重河防命白公玉峯稽公黼廷摠其事夢公午塘董之容

予且學點爾狂

聞彭城工竣河不爲患復用前韻

吐納循軌如緣岡綢繆未雨寧以羊衆流分注如
糟牀蓬窻高枕雨如澠恰似直溯天一窮微茫早

聞

睿算計久長老夫凝睇西北望銜盃作歌喜欲狂
恭兒信至言每以公事進見宮保必訓誨諄
復無倦容殊可感激余批示云宮保久任督
帥深知任事需人凡可造就者因才而薦非
私於汝也其敬承之他日汝從政有成效斯
無負今日之訓矣汝當從此益自勵焉我有
子而宮保教之是可感也若汝不努力我益

增慚矣何感爲復用前韻示之

不見頑石堆滿岡仙人鞭下多成羊公餘訓吏或
據牀引端竟委尋迷茫要使益智効寸長古民有
疾不可望我寧錄狷而舍狂

題駕飛三弟小影

書卷何紛葩世喧復聽瑩撫膝聊自怡遂覺衆感
屏惠風若相遭泊然會深領縱附三公榮未換片
時靜惟許遠瀑聲琮琤答微聲

于午晴編修挽詩三首

觀居感陵替老泪灑朝昏跡斷尙書履

仲春之杪
聞汪松泉

尚書計爲星沉太史垣交游存李郭經紀愧韓樊
位哭之

鏡具扁舟在支筇哭寢門

四紀金華客三朝掌故身晉昌門館舊履道往

來頻比屋通鹽販文接鞞輪

已酉之役午晴主
粵西試羣主楚南

試發榜後聞予病乃星

至今諸子貴退食一家春

馳至長沙同塗還朝

午晴與羣鄰並三十餘年今令
嗣敏中小兒汝誠猶各居舊第

四海得佳士聲名每共成幾人承玉尺聯步上蓬

瀛總帳啼嬌女單門感後生一時秋會上掩淚罷

蓴羹

庭中盆梅八月開花恬崖賦詩卽次其韻

衰齡那敢說鹽梅老樹迎秋孕玉胎晚節要耿和
靖隱高秋一試廣平才驚香金粟爲先導酈菊丹
砂作後陪嶺上萬株齊仰面讓他骨格衆中魁

題鳳川外史秋山策杖畫簃

鎮日閒遊屐微風涼秋雲歸去衣小奚猶在雲
深處便返茅庵草地

次答子厚

十年記室且冰犀話到飛騰已躍如早見門才終
待路過資遷託當翻書詩篇格擬齊梁後來往人
處顧子厚京第清齋懸榻待厚弟北來已於廳事

東偏懸榻
以待矣
公卿倒屣定無虛

附原韻

姪世培

歸來履道十年居
矍鑠精神龍馬如
最愛弛張

韓吏部

公閒居乘暇不廢博奕有昌語之

儘容圖

畫白尙書談經不用莊言解

昌語通六籍不作經詮釋語時於

燕笑間罕譬曲喻奧旨豁如使人真見義理活潑潑地

見道偏從笑語餘

好士雅懷誰得似
佳流友接日無虛

秋日訪歸愚尙書畱飲清齋題盆中素心蘭

卽用素心字爲韻以贈

幽蘭如端人
抱質自成趣
何期空谷姿
相對共清

寤嘉彼尤之尤貺我素中素綠玉淨蠲暇寒冰塵
絕汚鴨鱸薄篆霏蟬翼輕羅護煩慮早浣滌真率
方披露主賓欲忘言臭味感一遇移時握手違別
去餘深慕

吳興振大雅平生懷古音晚遇

文思主同受

恩澤深引年與養疴先後歸邱林往復命輕枹談
諧愜幽襟香粳作秋會高致聯微吟昇平有至樂
眷焉匪斯今名花若爲期一折遺素心相思各強
飯遙瞻碧山岑

附同作

沈德潛

秋蘭清絕塵顏慙逸人趣况此太初質含芳抱
幽素小齋正敷花雪膚超衆嫵哲匠適遠來會
合抒情慙挹香湘簾通玩質紗欄護謂是物之
尤意外偶相遇忘言浹有神欲語難輕吐因茲
矢同心賓主有餘慕

人生重晚節願比松桂林先生引疾歸夙望朝
野欽予耄先引年安居鱗水潯 九重頒清俸
同受 君恩深相見每相勗贈言等銘箴潔白
答 主眷時凜微埃侵此日念同臭對花發長

吟去文返質素堅茲歲寒心

玉篴師屬題南山采菊圖

何處幽人晝掩關無心倦鳥亦知還但教會得悠然
肯不問南山與北山

昨日耆英作會時香粳飯佐碧萼絲西湖不用一

錢買有菊花處卽東籬

九月望前薄遊武林師訂至湖上並招次風堇圃諸

先生同遊竟日

扶筇偶度溪橋去蓮社招邀寄性情影入湖中風
裊裊行人笑指百淵明

仄徑危坡入翠微秋英向夕色偏肥採來短髻都

教插更盡先生踏月歸

谿父梁丈挽詞四首

劬勞原裕後勤苦爲窮經萬口傳詩句歷衣拜紫
青德符耆舊傳光掩老人星後死將安仿吾憂失
典型

江國覘名閥人文聚一家滄洲承玉陛白屋湧朱

霞剛介蘇明允神仙陳省華紫芝曾識面遺墨尙

籠紗

十載前曾止予宿清齋辱
贈和詩至今什襲筒篋

一門承雨露人羨子孫賢謝樹聯朝右萊衣舞膝
前白華娛晚節綠字授真詮羲馭誰能挽駒馳六

七年

佳城看鬱鬱踣地得孤山野鶴勞相遲高雲孰與
攀親知懷舊澤杖履想蒼顏處士堪同調梅花自
往還

奉和楊奉弢大中丞登北高峯原韻二首

鷺嶺盤盤鳥道賒遙聞驄馬蹋晴沙翠微深處油
幢引黃葉林中酒旂斜極目江山歸一掌隨車膏
雨足千家曲高自古稱難和紉縵雲開見日華

御製登北高峯詩
有曲高和者寡之句

天目飛來紫氣賒盪胸雲海隔風沙湖開鏡面千

層碧

公奉命重開西湖

隄展裙腰一道斜

新築柳洲隄

絕頂翠

珉瞻

聖藻

頂上有御碑亭

半身白塔認吾家

塔本吳越錢氏

建只今開府傳新句牛斗光中占物華

附原倡

楊廷璋

北上高峯百級賒不爭嶽麓說長沙

纔從湖南蒞任故云

穿雲霧惹衣襟重出岫雲移雁影斜眺望湖山

低萬壑憑臨煙火渺千家武林何處桃源徑漫

道蓬萊萼綠華

玉削青蒼石磴賒仰看北斗映金沙龍來南鎮

千山合水浙錢江一線斜呼吸風雲通帝座

從隆谿洞覓仙家峯高靈鷲應陪護佇望朝門
麗日華

題董愚亭太守桃源問津圖

山容淦淦水鱗鱗玉犬金雞洞口春可笑南陽劉
子驥一生祇作問津人

處處紅霞面面開幾番迴顧亦悠哉仙家祕密無
人記那許先生載筆來

次韻尹望山節相和袁蘭齋大令遊攝山詩
四首

幽寄近依平野水

余自去秋托跡水村者數月

閑情遙企過江

山六朝第宅多興廢吾輩詩篇亦往還蒼壁結螺
皆現栢丹霞流液自成斑餘生倘効涓埃報一筇
何妨著此間

情知登頓一藤勝示疾維摩類病僧千佛同叅無

漏義

一人先上最高層

廿二年南巡駐此御製盧鴻雨

都沈約歸愚尚書

都會到吉甫

望山宮保袁安

藺齋大令各擅能

玉冠嘉名班列岳兩峯前後比凝丞

玉冠峯上賜名也

雲路重重望不窮翠微深處露花宮空中似有鈞

韶下半壁遙看海日東尋藥長鑱申後約催詩急

足已先通

三月十日雅雨遣役齋長卷一

索和凡信宿詩成乃得去

何曾蠟辜負桃花帶雨紅

江山如畫入平章一畝秋泉自在嘗最愛當塗尋
散誕可知化日正舒長臥遊經歲難成夢息壤平
生未敢忘說與故人須遲我秋深扶杖踏斜陽

十一月二十日從兒子汝誠家信內附寄方

問亭官保中秋節署舉子信至方侍 謙熱

河

行在欣感成詩並屬予次韻卽和四首致賀

閣槭飛玉塞

兒子汝誠以閣學同在山莊

錫讌使節附官郵行草

麀從悞光輝兔孕秋爲言欣有子此事勝封侯跨

竈他年卜憑渠出一頭

六十生兒晚龍蛇大澤深豈惟占祖德於以見天

心小影題徵夢

十載前問亭以貯蘭小影索題此其徵也

猗蘭韻叶琴

韓苻看長大短檠在牆陰

百六詩成後寒牕有報書麒麟親抱送高大羨門

問冀北嵩呼候江南華祝餘兩家沾國瑞耳耳

獨慚予

問亭以八月十二日得子爲萬壽前一

日予昨午得女以八月十四日爲萬壽

後一日今年中秋舉晬日湯餅小會

於菟光繡綵綴飾自續紛家事詩堪付耆英名早

聞

是時問亭敬瞻 御書賜吳宜菴提閩

魚鬚傳

笏遠鷄舌佩囊薰更有盧仝癖添丁訓學耘

原唱有先

疇吾所重健
犢曷耕耘句

春帖子詞

壽字呈香篆

璇宮叶應同進來人日菜葉葉受春風

人日立春
用蘇軾詩

意

樂翻塞外平邊曲圭錫河渠底績書祈報豐年傳

禹甸太人占得兆維魚

按候常開是

筆花敷天文治有光華

奉

旨天下取士詞臣盟

手焚香處定有卿雲護絳紗

命題賦詩御製二集將次
編就命詞臣恭錄

除夕口號

自憐老去益踈慵
赴壑年華孰可蹤
散帙且憑遮
兩眼敝裘聊自禦
三冬菁葱早細先
春菜靈霖全
舒隔歲農幾陣
鄰家鳴牘鼓聲聲
特爲起龍鍾

已卯元旦

七年叩賀謁靈宮
白獸金開萬國同
瑞氣遠浮辰拱北
晴光輕漾日華東
指揮
天赫無遮蔽修省

皇誠有感通

近閱邸抄

上以日月相繼薄蝕詔命廷臣直言

春帖附馳

人日菜寸芹慚愧達臣衷

歲暮進春帖子有進來人日菜葉葉受春風句

以立春在月正七日也

霍麓方伯以吏議落職將歸時爲其母太夫

人渡南海正普陀酬願詩以志勉

玉停金止晤前因暫謝屏藩歸漢津清白一官還

聖主淨便寸炷答慈親須知宦蹟真如海要使空

花不染身我老尚慚臣子職期君珍重保青春

御製石舫記恭跋

匪蘭匪松亦雀亦龍悠悠煙際汎汎湖中疊石象

形取無漏義不纜而艤不楫而濟楊柳春時芙蓉

秋日

幾暇怡情左圖右帙恍如平江晴日和風連疇夏
諺夾岸農功

至人寓意載舟是警磐石之安作記垂永

四月杪薄遊維揚同年盧雅雨都轉飲予於

官舍見瓶中並頭芍藥云是奉宸苑卿江君

穎長圃中所得卽席次韻

惜春生怕此花開門艷家家婪尾杯幾欲欄遮畱
不住卻於開後客重來

拍手兒童笑醉遊逢場且復一勾畱比紅唱罷雙
攜到纖手擎來是並頭

一種溫磨最可人由來那尹悟前身徐熙粉本添
花譜淺白深紅一樣新

雙鬟偷樣藥闌東穩步當筵便不同人面花容皆
絕調一時多到管弦中

天中節前一日江君鶴亭招遊園林看晚芍
藥卽席賦謝

將離花發春已晚將離花落春去緩揚州花事甲
江南就中獨數水南館主人愛客兼愛花得花萬

有三千本引筒拂水吐華滋高架障日排帷幃我

從開後渡江來皓態狂香就偃蹇主人特地招我

遊園丁昨夜點花籌遲開要自殿花事繭栗綻出

成重樓履綦到門忘賓主三五握手皆名流

王湧輪侍

讀金處士壽門陳山人授衣兄弟

平鋪錦段規五稜

去聲

細數玉色

猶千頭江鱗入饌尊罍古花外宛轉聞歌喉酒半

徙倚步花徑和風斜日花光定蛾睂澹掃自天然

飛燕晚妝孰季孟稽名豈止三十種劉家花譜供

閑評春衫偶脫掛闌干緩吹繁絃入耳靜花於開

後呈餘姿客爲來遲動幽興停杯獨自感將離競

渡聲中客又歸雙峙已落玉川手十日前開並蒂一枝主人持贈

都轉盧公公昨宴予於官舍觀新翻旗亭畫壁樂府伶人雙鬟當筵瓶中適供此花座客各有詩記

之樂府新譜旗亭詩名花國色恰對面最愛江郎

絕妙詞鶴亭和並頭芍藥詩一明年更約花前醉

不問千枝與萬枝

以俸米白小魚餉瓜田兄

鶯脰湖邊白小魚白小魚出鶯脰湖者為最土人撈取比園蔬

作羹佐飯大官米滑趁蓴絲雪不如

附和詩

張庚

飯抄白粲復羹魚多恐驚將腹內蔬一是

天恩一方物殷勤分餉意何如

附

朱雲燎

白米飯香爛煮魚兼餚還得剪園蔬寶簪珠履
王門客冷汁殘羹如不如

秋山極天淨

出沐山容淨天青景自超澹如雙髻露宛似十眉
描插漢芙蓉削排空碧玉雕峯邊過塞鴻雲外落
霜鷗野濶望何極風高葉亂飄暮收初入令煩潯
已全消采菊尋幽磴觀泉度石橋秋聲晚更急蘆
荻意蕭蕭

尋源居士善畫馬工山水將遊京師以畫餉
予並識以詩次韻爲答

權竒骨骼盡超塵一匹千金自不貧寄語燕昭臺
畔客九方歎已作閑人

題逸亭長老結趺圖

叅寥得智果遂使仁風扇會者十六人都到吾家

院

圖經智果院在石佛山吳越王錢氏建

吾師瀟灑賢軟語通忍璨

雙屐辭故山踏遍餘杭邵偶然信一指小憇鴛湖
畔朱紫等銖塵文字徒慧辨樓高切雲霞渚複披
葭蘆千年別墅荒是亦先人建倚師作居停行纏

更何辦結趺腳不露卓錫身常良座下碧苔生自

有丹霞伴

石頭法嗣
曰丹霞

題張篁園舍人荅南山水圖

山重重泉涓涓雙流如帶各奔赴衆皴坼處爲平
川縈林絡石滙苔雲護幽宅封寒煙舍人孝友
台張仲芒屨踏遍尋牛眠就中十笏俗所捐卜之
曰言識其阡若堂若斧皆手築秋霜春露上塚使
從來等地天爲緣豪貪巧奪皆徒然誰爲斯圖遺
子孫白亭桑者張瓜田

題徐上舍來鶴軒

鶴去雲間摩遠勢鶴歸松際自閑行主人伴鶴添
餘課流水高山三兩聲

小隱山中歲月賒石湖風日正晴佳穉登已去凡
夫老遊屐憑誰做歇家

穀原比部於都下賃數椽以居朝回無事讀
書其中屬長洲黃增爲丁辛老屋圖時同志
各爲詩題之予用丁辛二字爲韻得二絕句
穀原近以養親里居所居室苦湫庳構新居
數楹殊費拮据次章嘲及使才彥讀之知貧
士雖通籍謀一巢之難而富室營治園圃稍

不如志卽更爲之不少自足又使穀原子孫
讀之知老輩如香樹者爲能道穀原始有之
難無忘淳沱麥飯意也卽日新居成以是詩
落之張老善頌後又存一格調何如

長安居自大非易燕子營巢極苦辛少米無柴多
不管科頭且作撚髭人

子舍如窩傍後聽西偏架木可爲亭笑他巧婦能
炊飯絕似蠶叢運五丁

題司寇馮伯陽圖照十二首

伯陽與余爲忘年交年五十選人促上注

遂不赴南宮試作渡江赴選圖

記年五十上華簪火急官文勸左驂未肯揚帆飛
北去只因情重別江南

策馬蒲坂行將渡河入關伯陽初任長安
時也

吏局清時借上才凌晨叱馭亦雄哉關中父老扶
犁望境內兒童跨竹來此日一麾違

北關他時行省擢西臺與君先後同官職四十年

前餞席倍

予後先生十年亦居秋官左職記乙未
之春同人餞君於宛平相國園亭予亦

與焉

伯陽以長安令率部民轉餉貯莊浪爲督

運圖

令才督運實邊軍輸輓仍勞撫字勤使節曾過隴

西郡途人猶說大馮君

予官坊局時曾奉使宣諭河西諸郡父老猶稱君

善

伯陽自長安令量移膠州牧將出關一遊

華山爲躋華圖

何處攀轅拜鄧攸青柯坪上且夷猶此間定有騎

驢客曾約先生一局不

用衛博希夷事伯陽嗜奕故云

伯陽治膠州每當政餘南行將百里縱觀

大洋爲觀海圖

歲晚曾爲海上遊二勞隱見望中收不須更上蓬萊閣或一信睂見蜃樓

擢廬州守下車數日卽勸農於郊浹月遷去愛此邦民風淳謹爲勸農圖

歐老守滁日築亭飲其中東坡在彭城醉上黃茆峯政成官亦閒百年兩詩翁廬江殷肱郡俗淳將毋同伯陽出守此勸耕問田功鉤輶啼桺外耆闍浮城東晴郊露冕來衣袂餘春風小憇依白石幽致斥朱幢良苗春雨足父老攜村童不知太守貴

但祝年歲豐方期作郡久一躡歐蘇蹤參藩旋拜
命捨此何匆匆繪圖記宦蹟雪泥印高鴻

參藩公廨去虞山將百步主人因公循行
郡邑偶一登樓山容况示爲春山對面圖
宦蹟南沙近公餘偶一尋梅花迎客笑山色捲簾
深綠水自來去白雲無古今高風弔虞仲閑凭一
沉吟

江寧藩署有園公次子鈐讀書其中公餘
偶一至焉孫浩甫七八歲隨侍棐几此三
十年前事今公子鈐巡撫楚南孫浩由編

修擢御史爲藩署涉園圖

題君圖爲君喜君家世德二百年行省相去二千

里

伯陽高祖原泉公萬歷間爲楚方伯距伯陽官方伯時將二百年有觀我圖四十幅伯陽仿遺

焉

意有孫能藏觀我圖維臣之範家之樞全圖分署

四十幅採入循吏傳名儒伯陽晚遇凡五遷金陵

官閣開晴園上承祖澤下啟後早卜高大子公門

足不窺園君仲子今日封疆都御史折花而劇膝

前者珥筆螭坳乘驄馬我老忝竊四世交

茂才應樞侍御

子君曾孫也年未二十善屬文時詣予問字

兩家童稚皆雲霄

君自膠州至京

寓予邸第予子汝誠方搃題詩不獨示兒曹畱與

雲仍作佩刀

附和詩

馮浩

誦公詩愴以喜交情詩格兩相高拔地干雲幾

萬里先公宦蹟十二圖高曾之矩同形撫深藏

篋笥戒弗褻題詠未敢煩諸儒

先祖歷仕圖十
二幅實仿七世

祖觀我圖浩每欲徵
人題句兢兢未敢

童年風景俄推遷輅車白

下重遊園高低步步踏陳跡別時雙淚彈園門

上江藩署內有瞻園浩幼侍先祖遊憩丙子秋
奉命典試江南撤棘後得至之言念祖澤中心

然得公名篇示孫子祖德流傳徵信史公真吾

祖知心者慣向蹲賓駐車馬

先祖挈浩居蹲賓
橋右公時時惠顧

只今莫歎稀故交身如孤月懸秋霄赤松黃石
皆朋曹翱翔長佩鳴鴻刀

登清涼山望江時伯陽以方伯擢副都御
史將北上矣爲藉草望江圖

清涼一片石高與雞鳴對眺覽別去時此致真吾
輩

自膠州牧七歲四遷至刑部侍郎來京陳
謝爲楓宸奏謝圖

雞唱徹日瞳朧凌晨奏謝明光宮沾衣霏霏露初
白照人黯黯燈微紅金鋪欲啓魚鑰響玉城緩上

香樹齋集 卷十三
觚稜通七年報最歷卿貳丹忱披瀝摠臣忠君不
見魏弱翁河南惠政動戍卒十年貶退無遭逢又
不見君家君卿治隴右引嫌未許爲三公君今生
當

堯舜重弼教要以中典致時雍作圖志感傳無窮
拜手稽首揚休風

佐秋官歲餘引年乞休同朝餞送爲青門

祖餞圖

與君先後佐西臺敲石年華謝豹催試問白雲亭
上更幾家七十得歸來

作序當年語逼真畫圖棖觸有前因東都門外垂

楊裏誰是頭廳勸酒人

先生予告歸里予時爲學士屬予爲序以記其事及

成行日予置酒郊門外取別未二十年予亦蒙恩許養病歸里賜詩寵行同官郊送展圖一爲

然撫

先生家居日予以內艱在籍每訪先生於

蹲賓橋右後移居舟里坊予亦時時過從

今拙集有詩記之是先生林樓樂也爲林

樓圖

君昔懸車日我時歸讀禮襪襪何所之趨請拜君

子菱芡或共嘗竹石或相倚別君還

北闕送我河之涘揮手落帆亭永訣亦從此我後
十五年又酌還鄉水代序多推遷臣節有終始君
先歸道園我尙依梓里感舊拭淚題人壽不如紙

紀駱孝婦林氏孝行事實後

駱家有婦孝且劬君子於役爲飢馳婦奉菽水承
歡娛織紵易米通有無晨昏溫溫敬搔扶駱家有
婦孝且劬目不交睫視病姑姑病勢革命須臾投
藥罔效仰天呼剗左臂股惟區區寸誠上感神潛
孚年壽再錫何倖歟翁年則衰參餌需傾篋脫珥
及履絢事翁事姑義不殊翁病不起年壽徂哀毀

垢面形神癯日月易逝莫旣虞
二十吉集孝烏刀環落日旋征夫
對婦痛哭感恨俱婦曰職耳職
未周叶專切駱家有婦孝且劬
虧體行孝何其愚於戲世間豈少婦
與姑勃谿諄諄悍也且

題費夫人采芝圖

手握靈芝是夜光
芰荷薜荔想衣裳
侍兒采藥壺中貯
合是前身費長房

霞卷雲舒玉作絲
空中似響八琅璈
我生已後看山老
未識元豐王子高

族孫婦沈儒人六十初度詩以示之

婦之先王姑予從兄之配是時祖澤盛婦道代能

備從兄方棄世予嫂未有嗣嫂娠已八月悲慘復

心悸或云轉眼間生男祀不廢嫂氏哭汪汪曰毋

為此議急請族之長伯氏子之次時予先大父光祿公實長吾族

命以從兄又鶴第三子燔為後又數月遺孤淳生嫂無兩子如一人無間言後兩子皆補博士弟子

成禮後數月遺孤呱不害慨然析產均撫育道不

二遺孤旋抱子長也婦所字淳子虎士少食餼於庠有聲娶婦舉二子

而婦故右族女婉婉通大義事姑侍王姑淺深審

揭擢中道鸞鏡分良人竟先逝兩子訓義方因嚴

斯愛予忝治族人屏牆立行輩始予笑二雛磴

硜惟守隘士也養通方何用此志懣謂是寡母畜
拘局幼所制近復四三年族子見乖戾藐藐視誨
言甚者滋怨懣終年但悚息輒恐祖澤墜一從捍
綱逢迺歎狷者貴示婦溯先型世德敦好懿並以
勗二雛惟學可繼志予衰勤勞來惴惴懼不饒

處泉太守卜居鑑湖湖濱閑步尋放翁快閣

故址得之愛不能捨構宅一區有終焉之致
以移居快閣四首見寄並促和章賦此爲答

百年過影雪泥鴻勝跡榮枯一轉蓬米老墨池蛙

沸夜滕王高閣竹遮空

洪都志滕王閣興廢屢見
元豐中僅種修竹千竿而

已移家小憇來通守卜築閑情踵放翁我是范允
吳下客掀頭艇子當青廳

到此惟知水月乎釣筒瓦甌足清娛非徒迂拙真
前輩要以心肝激壯夫慣著生衣迎露怯乞來花
種隔春蘇子雲只恐元猶白那有餘情問髮鬚
就蔭爲園不費錢并當家具本輕便雨催舊約來
僧屐帆挂新添載客船長鑾漫攜因采藥老農自
署學耕煙鑑湖遊倦初登閣越陌何妨又度阡
不題簞簞不題窩任昉年來近若何異代風流存
舊遠一時牋劄較常多松間徑仄惟過鹿柳外溪

喧正放鷺行飯湖邊閑領取漁歌聲裏雜樵歌

秋雨初晴王穀原比部招同馮孟亭侍御汪
幼泉農部姚蘆涇比部汪謙谷太守泛舟觀
禾遂泊南湖採菱上煙雨樓飮川昌黎南溪
始泛三首韻時謙谷將北上

端居慕子皮扁舟竟忘返及至命楫往小涉輒憚
遠輕移過市廊稍放傍秋坂轉舵隨菱菱中流廢
牽挽水面炊煙浮當午漁人飮風柳不勝垂拂拂
勢如偃撫序一延佇坐感年歲晚幸勿辜枌榆於
以寄鷺蹇

樓船既列坐仍各攜小舟采菱復弄水此致殊清
休停舟各散步策杖觀禾頭蚳蚋間害稼審視爲
少留老農出來告是豈人事由豐歉分阡陌西疇
勝東疇卽此履畛間兩念雜喜憂諸子皆國器暫
寄里閭悠風詩敦問俗寧辭賤劄投臨流一延爽
遐情矚高秋

汪子官遠徼

謙谷由安西司馬擢滇南太守

萬里論宦蹟偶然返

舊林佳辰豈能擲上注謁選人行簡二千石治道
在安民不隨亦不激何期北指帆南湖一顰刺金
石苟不渝四海皆只尺歸來月滿庭秋蟲鳴古壁

衰齡竟日遊卽事當于役

香樹齋集

卷二

三









